



UKA 2017/086-01

03-10-2017

Ilinniartunut tapiisarneq pillugu Inatsisartut inatsisaat nr. xx, xx xxx 2017-imeersoq

(Inuussutissarsiornermut, Suliffeqarnermut, Niuernermet Nukissiuuteqarnermullu Naalakkersuisoq).

Ilinniartunut tapiisarneq pillugu Inatsisartut inatsisaattut siunnersuut Partii Naleraq sinnerlugu imannak oqaaseqarfigissuarput:

Inatsisissatut siunnersuut tunngaviatigut taperserparput, tassa Partii Naleqqamiit assut pingaartikkatigu inuusuttut sapinngisamik amerlanerpaat ilinniagaqalernissaminnut pitsaasunik periarfissaqartuarnissaa periarfissaqarnissaat pisariaqarluinnarmat.

Tusarniaanermi ilaatigut akissuteqaatini oqaatigineqartut maluginiarpavut, soorlu ilinniagaqarnermi pillugit nalunaarummut maannakkut atuutereersumut tunngasut pillugit apeqqutit, soorlu assersuutigalugu, ilinniagaqarnermi siumoortumik imaluunniit kingumoortumik tunniunneqartassanersut ? aamma ilinniartut ilaasa akeqanngitsumik ineqartitaasarnernannut akeqanngitsumillu nerisaqartinneqartarnerannut tunngasut pillugit tusarniaaffigineqartut ilai apeqqusersuimmata.

Taamaammat Partii Naleqqamiit qulakkeerlugu paaserusupparput ilinniartut assigiinngisinneqaratik tamanut naammaginartumik aaqqiisoqarnissaa ujartorparput. Tassami inatsisissatut siunnersuummi oqaaseqaatit ilaanni imannak allaqqasoqarmat:

“Naalakkersuisut aamma nerisaqarneq ineqarnerlu qanoq nalilerneqassanersut aalajangiisinnaapput. Taamaattoq inuusuttunut 18-it inorlugit ukiulinnut, ilinniartut inaanni nerisaqartinneqarnissamut periarfissaqanngitsunut imaluunniit ilaannakortumik taamaallaat periarfissaqartinneqartunut tapiissutit nalunaarutit ilusilimmi aalajangersarneqassanngillat”.

Taama qaqitsivugut paatsuungassoqannginnissaa aammalu ilinniartunik assigiinngisitsisoqannginnissaa qulakkeerumallugu.

Taama naatsumik oqaaseqarluta siunnersuutip aappassanneerneqannginnerani ilinniartitaanermut ataatsimiititaliami suliarineqarnissaa inassutingaarput.

Anthon Frederiksen